

## NUNATSIAVUT KATIMATSUAVINGA

### UNA MALIGATSAK ASIANGUTITSIGIAMUT TÂTSUMINGA KENAUJALIGIUTET AULATSIUTINGINNUT MALIGATSAMIK, CIL F-1, 31-12-2012

#### PITANGIT

1. Naittuk Taijaugusik
2. Asiangutitâttaugutinnut Ilingatillugit ÂkKisuttausimajut Nungutitausimajut
3. AngajukKâk Ininganottauninga Sivullipâk Ministaup katimattini
4. katimattiuKataujut pigunnatut Tilitsigiamut Pigatsagijaujunut
5. AtuliaKittitaupvingata Ullunga

*Mânnaujumi atuliaKittitaulilli Nunatsiavut AngajukKâganut amma Nunatsiavut katimatsuatinginnut imailingatillugit:*

#### NAITTUK TAIJAUGUSIK

1. **Una Inuit Maligatsanga pigunnatuk taijaulluni imâk una kenaujaligiutet Aulatsiutinginnut ÂkKigiattausimajuk Maligatsak, 2017-nami.**

#### ASIANGUTITÂTTAUGUTINNUT ILINGATILLUGIT ÂK KISUTTAUSIMAJUT NUNGUTITAUSIMAJUT

2. **ALLATAUSIMAJUT 29-nami tapvani kenaujaligiutet Aulatsiutinginnut Maligatsak ilonnasiamagingit nungutitaujut.**

#### ANGAJUKKÂK ININGANOTTAUNINGA SIVULLIPÂK MINISTAUP KATIMATTINI

3. **Allatausimajut 30-mi tapvani kenaujaligiutet Aulatsiutinginnut Maligatsak asiangutitaujuk nomaranga imailingalittilugu allatausimajut 29-nami amma uKausittangit "Sivullipâk Ministak" nungutitaujut ininganottautilugu "AngajukKâk".**


#### KATIMATTIUKATAUJUT PIGUNNATUT TILITSIGIAMUT PIGATSAGIJAUJUNUT

4. **Nutât allatausimajut 30-mi ilijautillugit tapvunga kenaujaligiutet Aulatsiutinginnut Maligatsamut imailingatillugit:**

**katimattiuKataujut Pigunnatut Tilitsigiamut Pigatsagijaujunut**

**30.**

- (1) **Tainna AngajukKâk, tainna kenaujaligijik amma tainna Controller pigunnatut, allatausimajuttigut tunijausimajunut Nunalinginni Ikajuttigennikut Aulatsigiamut**



katimattinut, tilitsigunnatut atunit pigatsagijamminik katimattiuKataunimmini pimmagittojunut Nunatsiavut kavamangani kamagigiaKajanginni.

- (2) Pigajappat AngajukKângujuk ilaugunnangilluni Ikajuttigennikut Aulatsigiamut katimattet katimanninganut pidjutiKalluni ânniasiuttaugiamut, tuKujuKasimanninganut ilagijanganik ubvalu idluatsaiviliagiamut tilijausimaniminut, tainna AngajukKâk pigunnatuk, allatausimajuttigut tunijausimajunut Inuit Nunlingita Ikajuttigennikut Aulatsigiamut katimattinut, ilijautitsigunnatuk Inuit Nunalet AngajukKângata Tullianejumik, Aulatsijinganik ubvalu Inuit Nunalet kaunsallingita ilanganik pinianniKagiamut Inuit Nunalinginnut kiggatuttigijaulluni taitsumani katimanniujuumi ilonnâgut pitsatuniKattitaulluni annigususongugiamut.
- (3) IlauKataujuk Inuit Nunalingita Ikajuttigennikut Aulatsigiamut katimattinut sakKititsijuk tilitsiutimmik atâgut allataugiallasimajut (1-nami) ubvalu ilijautitsigiamut atâgut allataugiallasimajut (2-mi) pigunnatuk, Kangauligaippat allatausimajuttigut tunijausimajunut katimattinut, Kujanâttautitsigunnatuk ubvalu Kujanâttautitsiluni ammalu asiangutitautitsiluni tilijaugutigijausimajumik ubvalu ilijautitsiutigijausimajumik.

#### **ATULIAKITTITAUPVINGATA ULLUNGA**

5. **Tâna Maligatsak atuliaKittitaulâttuk allatausimalippat malittautillugu tainna *Nunatsiavut Maligatsangita Allatausimapvinganut Maligatsak.***